


KUSOKOKA CHIKUPU

 Ngwapwile nge ngwahonene kutachikiza vya kuhanjika chimene chino. Ngwatwamine kunyima kuze na Ndumbu walunga Egan, kaha Ngwevwile...Ndumbu walunga Neville apwile nakuhanjika chumachimwe, kaha kutala kuli yami. Kaha Ngwambile ngwami kuli Ndumbu walunga Egan, “Ali nakusanyika yami?”

Kaha ikiye ngwenyi, “Ikiye ali.”

² Kaha jino hano Nguli hano kuhanjika chumachimwe chimene chino. Ngwapwile nakushinganyeka, omwo Ngwapwilenga...Ize kafukufuku kuze, kuze vakiko vali... kukoka lizu, kusoloka kaha kukoka haze vene, omwo ove uli nakuhanjika. Echi chinasoloka nge uze kafukufuku ikiye namabate lizu.

Ngwapwile nakwivwa ngachize...kuhana unjiho omwo Ngwapwile kuze nakulombela pwevo ha shinga. Kaha umwe uze akwechi mujimbu, kuvulyama kuhaka hachihela kuze kwakusanyikila, kufuma kuli pwevo lya Ndotolo Morrisons. Kaha Nanguya kaha nakumulweka omwo Ngwalingile, mangana enu vosena, na kulomba chenu. Ngwahakile ha shinga, na kwinyika ku nambala, kwosena kwapwile, kaha ahulile Shipilitu Wajila kuya kuli uze pwevo. Shikaho Ngwashingtonyeka Ikiye mwevwa chochimwe nge omu Ikiye mwapwa kachi etu natuhasa...Talenu? Kaha Ngwajingulukileko. Kaha chinahase kupwa ngana omu mukiko mujila Mwata atondele. Talenu? Chinahase kupwa chamwaza nge ngachize.

³ Kaha jino Ngwevwile maunjiho shimbu Ngwapwanga muze, muthuumwe kuhanjika nge Ndumbu wapwevo Rook apwile... Ngwafwelela Ndumbu walunga Neville ambile ngwenyi apwile na—na kuholoka muwongo, nge. Echa tukwate kuli Kalunga hali chize, anukenu kaha chuma chimwe: Kalunga natachikiza Ikiye Lyavene. Ikiye atachikiza vyosena hali vakiko.

⁴ Munahase kwivwa kanawa kunyima? Kachi ove kaweshi, kuli vitwamo vimwe vyaupolongwa hano. Ove kaweshi kwalumukako kachi ove unatondo. Kaha, echa tumone, *echi* chinapu kanwa kenyi? [Ndumbu walunga umwe ngwenyi, “Nduma, mwane.”—Muka.] Hano *hali* ivene mike? Okay. Etu natuya nakumona kachi etu tunahase kupwa chindende kukohola. Ngachilihi hano vene, Gene? Echi nachiya nakupwa kanawa. Kaha lwola lumwe Ngweji kunwanga chindende; Ngunapunga nakunangula chindende. Echi chamwaza? Munahase kwivwa kanawa?

⁵ Kaha etu punduvene twanukenu echi mu kulomba. Kaha etu twatondo kwambulula kuwahilila kufuma muze. . .

Nguli Nakutala hali Ndumbu wapwevo Rook? Ngwashinganyekele Ngwatalile hali pwevo wakalemesa kukinduluka hano uze asolokele nge ikiye. Ngwashinganyekele, “Punduvene Kangweshi nakuhanjika vavali hano.” Ngwatalile hali muthuumwe kutala hanyima yenyi, kukinduluka kunyima. Ikiye ali muli Mukakujila Muka Chipatela.

⁶ Kaha shikaho, haze ha Ingisa na kwingila, Tennessee, kaha nawa mu California, etu twapwilenga na kuliwana cha upahu. Ou Mwata wakukisula, kaha vyuma vyavivulu vize Ikiye alingile. Kaha etu twawahilila hali chize. Kuwahilila etu tunahase kwiza cheka kumazavu etu akulifwana, na kuwaha cha kuwaha na keke ya Kalunga. Omu mukiko mujila vakiko valingile mu Mbimbiliya.

⁷ Vangusakwilila chikuma kuli Ndumbu walunga Neville, mokomoko Ndumbu walunga Beeler, omwo ikiye alombele hali vathu, na—na kuhula ha keke. Kaha kachi etu natuya nakutala, ove lwolalwosena, vyumavimwe kuya lika, ove muya nakuwana chumachimwe kupwa chamwenemwene. Kaha jino omwo Ndumbu walunga Neville ejile na kuneha vakakuzata muliuka, kaha na vyangocho, kuno kukamenga, na—na kuvilika kukisula hali Kalunga hali na—na wana waliuka, Ngwevwile ikiye kuhanjika mu kulomba Kalunga, hali vaze malunga, omu vakiko valombelele umwe namukwavo. Kaha chize cheji kungulinga mwamwaza kwivwa pashita nge nahase kulomba hali vakakuzata muliuka, kaha vakakuzata kulomba kukindulwisa ha pashita. Omwo enu namumona liuka kuya mukuzachila hamwe nge ngana, chamwaza, chumachimwe chili nakutonda kutambuka. Omu mukiko mujila liuka lyatela kupwa muchiyulo. Kaha changuhanyine chishinganyeka cha kutanga. Ngwapwile nakuya nakuhanjika ha kukisula ha Kedesh, kaha kukana kwivwulila mujimbu wa vandoji, oloze jino Ngwalumwine vishinganyeka vyami, ku chuma cheka.

⁸ Kaha jino, kutwala kukuka, Ngukwechi kaha unjiho waundende uze Ngunatondo kuhana. Ngwapwile mu malutalilo Nanguya nakumona kanyike walunga, Billy, kunyima kuze, oloze ikiye apwile nawo mumboloso yenyi.

Kaha Billy ali nakupwa kanawa mukuliwana, kuhambakana omu apwilenga nakupwa. Apwile wakulizakamina, kupihilila, kaha ikiye muaya nakulweka vathu, “Mamalelo, kuya nakutwama hamavu. Yako nakutwama hamavu.” Kuhanjika, “Nanguya—Nanguya nakukuhana kati yakulombelela.” Oloze Ngunatalisa, mwakamwihi, kuli nakuya nakupwa vathu mukuliwana nge ikiye atela kwivwa wakulikonekela. Kachi ikiye keshi na makati akulombelelako, kahajino ikiye mwaya

nakuvahaka mukapete shikaho Nanguya nakuvalombelega vakiko.

⁹ Kaha chuma kana chasolokele ku Chicago, lwola lwamakumishilo. Kaha Ngwakitonda kutanga mukanda uze kachi ikiye mwakeza. Kanda lyehi ngumumone ikiye. Ikiye katachikijileko Ngwapwile nakwiza chimene chino, hano, kaha—kaha kutonda—kaha kutonda mukanda. Oloze Ngwashinganyekele omwo Ngwashinganyeka chikuma ha misongo. Kaha hano mujila yili. Lunapu lusona lwakujilika . . .

Ngwapwile nakutanga mulipapilo, (Kanda lyehi; vamulwekele) nge kuze mapapilo apwile nakutoleka Oral Roberts, ha kulombela pwevo uze apwilenga na musongo wa sugar na kufwa. Kaha Nguli, jino, nge ka America, Ngwa—Ngwazanga kwivwulila ku jishimbi na—kaha muthu uze ali mungolo. Oloze Ngwashinganyeka chize kacheshi chakwolokako. Shikangaho kachi vakiko vanatondo kuhaka, muli papilo, vyosena vize Oral Robert alombele ha na kupwa wakuhinduka, nge mandotolo kwalumuka nakushikumuka. Ngwalikomokela, vakiko kutambakana haze vene nakujinguluka kamwe, talenu. Vakiko kavahashile kulinga ngachizeko. Kaha jino Ngwashinganyeka pamo nge liyavolo ali navashili ndambo chikuma, nge, kaha Kalunga kuvetavila, lize Likumbi lya Kusopesa vakiko vatela kukumbulula kuli chize. Oloze Ngunatachikiza masauzande avathu nge Oral Roberts alombeleho, nge kufwa, kaha vakiko vapwile kanawa.

¹⁰ Shikaho, enu mwamono, vakiko, vakiko kavapwile kanawako hali echi. Vakiko vayile nakusokola chihanda chavo, sali ivene, oloze kaveshi kusokola chihanda chikwavoko. Jino, lipapilo lyatelele kulama likungumbuwa lyavyuma kusoloka. Jino Ngwashinganyeka, kachi vathu kupwa vakuhakako mangana namukwavo, kachi muthuumwe mwapwa wakuhinduka, wakuhinduka vene, kala lipapilo mu United States yatela kulongejeke echi. Oloze ove kaweshi kuhasa kuvakumuna kulinga chize. Nduma. Ove mbata chumachimwe nge ngana, vakiko navaya nakuhinduka na kuseha hali echi, na kwalumuka. Oloze jino kachi kuli chuma chimwe chakutoleka . . . Echi nachiya nakusoloka nge lino lifuchi vali vakulizanga ha kusopesa. Chakwoloka. Kaha kuze kwatela kupwa kusopesa, kaha kakweshi jila yakuchinyinako. Kaha vakiko vali kaha nakulunjika kakahya hamitwe yavo, na vyangocho. Kaha nge—nge . . . kuhona kulinunga, kujishimbi! Lipapilo, jishimbi, na—na kulweka likungumbuwa kalachuma chamwaza mokomoko chachipi, chize chili nakusoloka. Oloze vakiko vafumine kujishimbi javo. Kaha omwo vakiko vafumine kujishimbi javo, jino vakiko—vakiko kaveshi kuzachila punga yavo kanawako.

¹¹ Kaha eyi ikiko jila yoyimwe ili na liuka. Omwo liuka lyafumine kujishimbi, kalyeshi kuhasa kuzachile vakakujila

kanawa. Etu twatela kutwama hamwe, kupwa wakuhonesa. Etu twatela kupwa na muchima umwe na kujina chimwe. Mokomoko, etu katweshi kuhasa kuzachila Kalunga mokomoko vathu, kuvangila etu twapwa umwe muchima na kujina chimwe, kwimana ha jishimbi ja Mbimbiliya na vyuma vize Kalunga ahanjikile echi chakwoloka. Etu twatela lwola lwosena kwimana navakiko.

¹² Billy amuhakile muze kapeta, muze mu Chicago, ikiye. . . Muthuumwe ejile kuli vakiko, pwevo na lunga lyenyi, na kansa ha mahuyungu, kufwa. Kaha pwevo lyenyi apwilenga na kalepa kaha apwilenga mukalikoki, kaha kweseka chenye kupwa nakuzakamina vathu nge kavahashile kwimana, na kansako kulisuli lyenyi. Kaha Billy ngwenyi kuli ikiye, ikiye ngwenyi, “Ngwa—Ngukonekele, mwane.” Ngwenyi, “Nanguya nakukuhana kati yakulombelela.” Kaha ikiye ngwenyi, “Oloze Kangweshi—Kangweshi na umwe namukwavoko.”

¹³ Kaha ikiye ngwenyi, “Chamwaza, chosena chakwoloka, mwanami walunga sonny.” Ikiye ngwenyi, “Echi chosena chakwoloka.” Ambile ngwenyi, “Etu kweseka kupwa hano, oloze chili vene kulivoko hali etu.”

¹⁴ Billy ngwenyi, “Kukulweka ove ika.” Ngwenyi, “Yami nanguya nakumbata tata. Kaha Nanguya nakumunehamo, kaha Nanguya nakumumbata ikiye.” Kaha ngwenyi, “Omwo Ngweji kulinganga, haze vene omu namwivwa Mujimbu wenyi,” ambile ngwenyi, “jino ove mbata. . . mokomoko pwevo lyove na yove, kaha kwingila mukapete kakandende muze Ngwahichile, kaha Nanguya nakupwa na ikiye kulombela hali enu.”

¹⁵ “Mamalelo,” ikiye ngwenyi, “uze ali wakushishika, mwana walunga. Echi chamwaza chikuma.” Talenu? Kuli—kuli vilinga. Talenu? “Chamwaza chikuma. Echi chamwaza.” Talenu?

¹⁶ Kaha uze ufuku, Billy, omwo ikiye akindulukile kuze, hanga na vize ikiye ahanjikile, nge apwile na nyalinyenyi kuze hiya apwile nakuhita manyinga na mukila kufuma kulisuli. Kaha nyali wapwevo, uze apwile nakuhita manyinga kufuma mujimo, na vakakulama kuvikolo, nawa nge vakiko vejile na vakiko, kusoloka nge kusali kukafwa vakiko kwingila. Enu mwatela kutala, kuli kapete kosena wakuzala, mwamono. Oloze kuya nakuhita na kulomba hali vakiko, etu kukinduluka kunyima, kuhichila mumukanda, nge uze lunga ahindukile vene kufuma ku kansa yakulisuli. Uze pwevo, pwevo lyenyi mukalikoki, helu, kuya nakujinguluka kupwa kaha kanawa nge ikiye omu apwilenga. Uze lunga na mukila wa—walisuli, kufuma kumisongo wamuthuulo, kufuma kundongo, china kupukaka. Kaha pwevo apwile kanawa na mbandu. Jiwana jayoyele, hazevene! Ngwalikomokela kachi mumapapilo amijimbu atela kupwa akusoneka chize. Talenu? Talenu? Talenu? Mamalelo! Oloze Kalunga hanga apwa Kalunga. Ikiye eji kulinga vyuma

vimwe mujila Yenyi Ivene, munatachikiza, kaha Ikiye ali wamwaza. Etu tunawahilila ha kutachikiza nge Ikiye apwa Kalunga.

¹⁷ Etu twapwile nakuhanjika chimene chikwavo hali mukakunangula wamundende uze etu tunatachikiza, nge apwilenga nakuya nakujinguluka, kulombelela vakakuviza na vyuma vyosena. Kaha ikiye ayile na kumulebelela muthu mu chipatela mu Louisville, kaha ukalu wa tubercular, uze pwevo wakalemesa afwile. Uze mukweze wamundende ngwenyi, “Chamwaza, kakweshi nakutondeka...Kalunga keshi...Kakweshi Kalunga ko. Ikiye nahase kulama Lizu Lyenyi.” Ambile ngwenyi, “Ngwamuwavwisa ikiye nge—nge omu Mbimbiliya yahanjika. Kachi Ikiye mwahona kulama Lizu Lyenyi, Ikiye keshi Kalunga ko.” Ambile ngwenyi, “Unapu mukanda.”

¹⁸ Jino, echi nachisoloka nge kuvangila enu mwamutachikiza Kalunga. Echi chinapu chihanda cha Visoneka, oloze kacheshi vyosena vya Chisoneka ko. Echi chili ha chikuku cha lufwelelo lwa muthu ukawenyi. Talenu?

¹⁹ Kaha Ngwamulwekele pwevo lyami, Ngwambile ngwami, “Kuli vyuma vyavivulu vinasoloka, nge Ngwatachikiza nge kuchili kuze. Ngunahono kutachikiza chuma muka nachiya nakusoloka kuli yami kumakumishilo. Ngunahase kuya mujila yoyimwe. Kachi Kalunga mwatambukisa livoko Lyenyi lya keke hali yami, Nanguya jila yoyimwe. Oloze kachi Ikiye mwaya nakulama livoko Lyenyi lya keke na kungutwaminyina yami, Nanguya.” Oloze Ngwamuhulile Meda, Ngwambile ngwami, “Hiya mukapete chimene chize hanyima ya chimweno chami kumona kanyike wapwevo wamundende, Sharon?”

²⁰ Ha jila, likumbi likwavo, Ngwazanga kulezumuka. Ngwatwamine mujila. Kaha munatachikiza mujimbu wa chimweno chenyi, hanyima ya. Kaha Ngwatalile, kwiza kusali yami, kaha kwejile mukweze wapwevo mujila kuze mu Jeffersonville, apwile vene nge chize chimweno. Ngwapwile nakukwata mavoko hamwe. Chasolokele chikuma nge chize chimweno cha Sharon! Ikiye apwile mukweze wapwevo jino.

²¹ Kaha hanyima ya chize chimweno chize chimene, omwo mu Upahu, Ngwa... Hope apwile nakungulweka, apwile na livoko lyenyi hachifwiji chami, kuhanjika, “Kanda kulizakamina hali etu ko, Bill. Etu tuli kanawa.” Ngwapwile kaha nakweseka kulisukika. Kaha ikiye ngwenyi, “Kanda kulizakamina ko. Ngushike yami nge kaweshi kulizakamina chekako.”

²² Kaha Ngwambile ngwami, “Kangweshi kushika echiko, Hope, mwomwo Nguli—Nguli—Nguli...Ngwalizakamina. Kangweshi kuhasa kungukafwako.”

²³ Kaha Ngwafumine muze muchimweno, kwimana mukapete kamilima. Kaha keshi chimwenoko, keshi kujinuoka

kahako, oloze livoko lyenyi hanga lyapwile hali yami. Kaha ikiye apwilenga nakunguvendejeka. Ngwashingtonyekele, “Vandamina munyutu kaha. Echi kacheshi. . .” Ngwahonene kutachikiza nomu mwakuchivuluka mumakumbi aze, chimweno. Ngwachivulukile kupwa chakulimanyina. Ngwambile ngwami, “Echi chinapu. . . Livoko lyenyi hanga ali haze.” Ngwambile ngwami, “Ove uli hano, Hope?”

²⁴ Ikiye ambile ngwenyi, “Bill, ngushike yami nge kaweshi kulizakamina cheka hali yami ko na Sharon.” Mwomwo, Ngwapwile kusongo ya jila. Ngwapwile wakulizanga kulisukika.

Ngwambile ngwami, “Nangukushika ove.” Kaha ikiye angukumbachile, nakungulembejeka livoko lyenyi.

Kaha jino Ngwa—Ngwambile ngwami, “Hope, uli kulihii?” Ngukwechi. . . kwivwa, palanga nomu Ngwakwachile lilenge lyalindende haze hakumuyika na kulikoka. Ngwayile nakujinguluka, kutonda nakuhita mukala chitwamo, nakutala kachi ikiye apwile wakutwama kuze.

Ikiye apwa Kalunga. Ikiye ali Kalunga chikuma, lelo, nge Ikiye apwilenga ha Pili ya Kwalumuka omwo Mose na Elija ali solwele. Ikiye hanga apwa Kalunga.

²⁵ Etu twahase kuya nakuhita mumaukalu amavulu na vyeseke. Anukenu kaha, kuli Muthuumwe Uze natachikiza, kumunyika mujila, kuchilingisa kupwa chamwenemwene. Ngunahono kutachikiza chuma muka chili kunyima ya lihina. Oloze Ngunatachikiza chuma chimwe, Nguli nakushindakanya kutwala kukusanyika chahelu, likumbi lyosena, kweseka kuyoyela hali chize chuma chachinene nachiya nakumbata chihela likumbi limwe; omwo Nangukaya nakumumona Ikiye, meso na meso, na kumulweka mujimbu, “Wakulwiliwa ha likoji.” Lize likiko likumbi Nangukayoyela. Kuseza vyuma kana kunyima, evi vyapwa, Ngwatondo kushindakanya, twalilaho kuya.

²⁶ Ngwatondo ino mbalaka, jino enu muli hamahinji enu, Ngunatondo ove kutwalilaho kushindakanya kutwala kupopo ya kusanyika cha helu. Kalachuma weji kulinganga, kwachilila hamwe, pwako nge muyachi nge omu naupwa, oloze lwolalwosena na livoko lyami lyakulovoka, kwalovela na kupwa namuthu umwe, kuvaneha nakwingila. Oloze muli luno Lufwelelo nge etu jino kunangula cha kukwachilila, kanda kutambukako numba ichi yimwe kufuma muli Chize. Mwomwo, kachi ove unafwelela yami kupwa ngamba Yenyi, echi chinapu kwala cha Kalunga. Kacheshi kuya nakupwa mulivosenako. Nachiya nakupwa muli vavandende, lwolalwosena ali na kaha lwolalwosena mwaya nakupwa. Oloze, anuka, vachisoneka, “Kanda kwivwa womako, utanga waundende; chinapu chamwaza cha Tata yove kuwaha kumihana ove Wangana.”

27 Jino, kuli lizavu lya jiuftwi kufuma muliuka lyetu, vakakuzata muliuka, vakufwelela muliuka, mukulwane wa shikola ya Chalumingo, pashita, shimbu liuka lyetu lili nakupwa muchiyulo. Kaha enu, vathu, vaku sakula ava na pashita. Ngunapu kaha mukulwane wamunene, kutala kuya hazevene, kaha kuhana kukafwa na vyangocho. Ove unapu umwe uze asakwile pashita, enu mwaji kusakulanga vakakufwelela jenu, enu mweji kusakula vakakuzata muliuka, enu mweji kusala kala ufwishu yatwama muliuka; enu, vathu. Kaha unapu mulimo wove wakwimana hali vaze vathu, talenu, ha vakiko kuya nakuluwanganyisa. Vakiko vanapu vathu. Vakiko vanapu kaha malunga, kaha vakiko navaya kuseuka. Oloze kachi Kolokoko wa United States waluwanganyisa, kutala etu twatela kumumbila, nge Kolokoko? Etu tweji kuvulyama echi na kutambaka nakuya. Omu mukiko mujila etu twatondo kulinga liuka lyetu jino. Ngwapwile nakwivwulila hali ikiye kulomba, ha miyutu yayindende kunyima okwo, hali vaze vakakuzata muliuka. Kaha kwivwa kunyima kuzze, unjiho, kuze kuchikolo, kufuma kuli mukakufwelela, omu chili na kujina chimwe muli enu vosena. Jino twamenu muli eyi jila. Jino, enu va membala imanenu hali ava vakufwelela muliuka, vakakuzata muliuka, na pashita. Kaha anuka, omwo enu namumbata hamwe, anuka nge ou unapu mulimo wa liyavolo kumona echi vanahokoka. Jino echi chili lwola lwosena chinapunga kaha lwola lwosena nachiya nakupwa. Oloze enu kwimana nge vakakuzata mujiufwishi, kaha nge apwile nakuhanjika nge Ngwapwile nakuya nakupwa.

28 Kaha jino Kangweshi hano nawa vamwe . . . chumachimwe ha livaya lyakuvilikila chimene chino, pamo hakuliwana cha vakulwane na vaka ngolo. Kaha nachiya nakupuwa halivaya lya kuvilikila. Kaha Ngukwechi mukanda wa Ndumbu walunga Roberson, uze apwile mukulwane wachitwamo wa ma- . . . na vakufwelela. Kaha jino Ngukwechi mukanda wa Ndumbu walunga Collins, Ngwashingtonyeka, hiya mwalinga nge mukulwane wachitwamo wa lizavu lya vakakuzata. Kaha jino, awa ma ufwishu nawakaya nakulilingisa Chisoneka, kaha vakiko vatela kupwa na punga ya Chisoneka omu vakiko vatela kulinga. Shikaho, vakufwelela vali naufwishi yavo vavene. Kaha vakakuzata muliuka vakwechi ufwishu yavo ivene. Eyi shikola ya Chalumingo fumbelo atwama na ufwishu ya ikiye ivene. Kaha kafunga napu mutwe wa mautanga.

29 Jino, vakiko vosena vapwile nachumachimwe chakulisala. Kaha Ngwashingtonyeka nge kukunguluka chove kacheshi kupwa hamwe, oloze chatela kupwa kala ufwishu, mwomwo mukakuzata muliuka kupwa nachumachimwe kuhanjika kuli vakakufwelela palanga vakiko kupwa na kusekasana chimwe kuneha kuli vakiko. Kaha kwalumuna, vakufwelela ha mali na vyuma vya kutunga; vakiko kavechi nachumako na vakakuzata muliuka. Vakakuzata muliuka vapwa tupokola

vamuliuka, kaha kukafwa pashita. Kaha vakufwelela vali nakukwachilila luheto lwosena. Vaze vakufwelela kaveshi nachumako chakulinga na ngolo ja mujishipilitu, kaha mukakuzata muliuka kacheshi nachuma chimweko na kusongo yalyo. Shikangaho, chatela kupwa. Kaha shikola ya Chalumingo mukulwane wa Chalumingo. Shikaho Ngukwechi vyosena asonekele, muyachi, kupwa halivaya lyakuvilikila.

³⁰ Kaha jino etu nawa natuya nakuwa nacho, muchipamba, chize Kunangula chize chaliuka lyemanaho, kaha kupwa na Echi chipamba hano, mu liuka; chuma etu twamenaho, ha—ha jishimbi, Kunangula chaliuka. Jino, kupwa liuka, etu twatela kupwa na kunangula.

³¹ Etu katweshi nakukokeka hamavuko, kaha kuhanjika, “Etu kupwa kaha *yako* echi.” Etu tweji kuyanga kaha, na kulikata na kala muthu, nge Kalunga mwaya nakutwecha etu kuya, mu Visoneka Vyenyi, na vathu. Kaha jino kujika hamwe, kupwa kujina chimwe, muchima umwe, na kutambuka hali Kalunga. Omu mukiko mujila Kalunga atonda etu kulinga.

Jino echa tulombe, kaha jino kusokolola Lizu.

³² Ove Mwata wamwaza, etu tuli jino kupandama ku Lizu lya Ukalunga, mokomoko kutanga cha eli Lizu. Echa Shipilitu Wajila kulumbununa kuli etu nge etu tunatondo. Kaha echa tuhanjike, Mwata, na kuzata na kuyoya, kutachikiza nge etu tuli vana Vove vosena, ha likoji, nge omu Ove unatusanyika etu. Echa kupwenga kulikata mulino liuka, hakumona nge tuli nakwingila mukuliwana chachinene, etu tunevwu, kuneha vakakuzata kuya nakwingila mumande muze, kachi Enu namukangutuma kuvihanda vyakuhandunuka vyamuno mukaye, nakuzamikisa Lufwelelo, kaha kupwa na mukakuzata kaha wakulizanga lyehi, kaha wakulongesa kuya kulutwe. Kaha echa Lufwelelo luze vahanyine kamwe kaha kuli vakakujila, nge etu tunemanaho, kwiza na kupwa mujingulwila wakujinguluka kaye. Tuhane echi Mwata. Echa ou mukuta waundende wamwila, nge omu chapwile likumbi limwe omwo etu twalihanyine kuli Ove, echa kupwenga liuka nalikatuka hano, Mwata, nge kufuma muli chize namukaya nakulovoka vakakuzata na vakakwambulula mujimbu na valongeshi na vamishonali, nakuvihanda vya kaye.

³³ Etu natuya nakulomba, chimene chino, kukisula chakulimanyina hali Ndumbu walunga na Ndumbu wapwevo Stricker uze alinakuyanda jino. Oloze etu tunatachikiza nge etu twapwilenga vosena kuhaka cheseko. Kala mwana walunga mweza kuli Kalunga kuvangila vamuzangamise, vamweseke. Kaha kachi etu natuzeya, nakukinduluka kunyima, jino etu tunapu vana vaujila, kaha keshi vana va Kalungako. Hana Ndumbu walunga na Ndumbu wapwevo Stricker kuzama na ngolo, ja kukakachila hamulimo. Kachi vakiko vatela kulembelela omwo vali nakulya, echa livoko Lyove lya kukisula

chipwenga hali vakiko. Mwomwo etu katwatachikijileko oloze pamo kuhichila muli eji ngolo nge Ove muya nakutulweka vase vamu Africa Ukulishitu uvene ukiko uka. Tuhanecho echi, Mwata. Jino echa echi vanachilinge kutesekesa na pungu Yove.

³⁴ Kisula ou pashita, Ndumbu walunga Neville. Etu twalombo, Mwata, nge Ove muya nakumulingisa ikiye kupwa kafunga kautanga, nge Ove unahichi. Kaha etu natuya nakuvulyama wakuzanga, pwevo wamundende uze ali nakuviza. Uze mukakole mwaya nakutonda kuseza Ndumbu walunga Neville hamwe na lize lizavu lya vana, na naye, oloze etu tunemana na chihela, ha lufwelelo, Manyinga a Yesu Kulishitu mukachi ka mukakole na ndumbwenyi wapwevo. Echa Shipilitu Yove, Mwata, pwako wamunene hali ikiye, kutachikiza nge mapwevo vosena vali vakutongola kutambuka nakuhita muvinema, milima ya chino chisemunuino, oloze etu twalombo nge Ove muya nakupwa na ikiye. Kisula vase vana vavandende. Ikiye mwaya nakupwa wakulizakamina jino, kaha nakutumwanga, oloze echa Shipilitu Wajila apwenga kuchikolo cha keke, ha lwola lwosena, hali chize chisaka.

³⁵ Kisula lizavu lyetu lya vakakufwelela muliuka, Ndumbu walunga Wood, na Ndumbwetu walunga Egan, Ndumbu walunga Roberson, na vosena vakwavo veka, Mwata. Vakakuzata muliuka, vakufwelela muliuka, kaha vyosena vili nakulinunga muliuka, etu twalombo, Mwata, nge Ove uyenga na kuvecha kuzachila mujijila na kukujila na—na kwoloka. Kisula vase, Mwata, uze nazachiwe mulwola lwakunyima. Kaha etu twalombo nge Ove muya nakutwalilaho kupwa na etu vosena, nge etu natuya nakutachikiza nge liuka lya kulinunga, kaha Shipilitu na zangi ya Mwata. Etu twalombo jino nge Ove muya nakutuvika etu Lizu, nge etu twatondo, shimbu etu natutanga Lizu Lyove lya kusoneka. Etu twalombo echi mu Lijina lya Yesu. Amena.

³⁶ Kaha mukulomba, Ngwapwile nakushinganyeka nge twapwile vakukisula mokomoko kulomba kukisula hakutona chetu . . . lizavu lyetu lya vakufwelela na vyangocho, Ngwapwile nakushinganyeka hali Ndumbwetu walunga Fleeman na Ndumbu walunga Deitzman na vakiko vanatwame hano, vase vanazate kanawa, shimbu kanda. Kaha etu twatondo kupwa vakusakwilila kuli Kalunga kupwa wakushishika. Echa Mwata apwenga navo, kuvakisule vakiko nakuvakafwa. Ngwatondo kutanga shimbu kanda . . . Anukenu jino, chilyanga cha lizavu na vyangocho, kaha kuliwanawana.

³⁷ Kaha etu twawahilila kupwa na etu, chimene chino . . . Chamwaza, Ngunahase kuhanjika echi nge echi, muthu uze napunga wamwaza kuli yami, mulwola lwakunyima, kaha jino, ndumbu walunga wamwaza, Fred Sothmann, kufuma ku . . . kaha pwevo lyenyi, kufuma ku Saskatchewan, Canada, ou ali hano nakutambuka hamwe na etu, mu lifuchi lyetu,

ndala muhitanganyi; oloze mu kulikata chetu, ndumbu walunga wakuzanga, Ndumbu walunga Fred Sothmann kuze natwame haze. Ikiye eji kungulongeselanga kutangisa chami omwo Ngwapwile mu Canada.

³⁸ Kaha ndumbu mukwavo wamwaza uze ali nawa apwilenga wamu Canada, uze apwilenga mukakusekasana, kaha vanahase kwinjikiza kukaye nge kaweshi kuhasa kuhana Kalunga ko. Ikiye na sepa lyenyi vatungile chikuku cha mali chakutunga chihela, mokomoko kutuma mumafuchi eka, nge chikuku. Kaha vakiko vangusanyikile kuya ku Oakland, mwomwo yakuliwana, kaha ambile ngwenyi vakiko vapwilenga na mali. Vakiko vakafwile vyosena, mu chikuku chavo.

³⁹ Ndumbu walunga Fred na Ngwesekele chize mali amwe aze Ndumbu walunga Fred apwilenga nyeni, uze Kangweshi kuhasa kumbata muthu hakapanji ko. Shikaho jino etu twasakwile kuchihana kuli vathu vamu Canada kaha kuhona numba kutambula wana, oloze kachapwile chamwazako. Chize kuliwana chapwile chamwaza. Oloze mwomwo etu katwambachile uze wanako. . .Kangwalizakaminako kachi eli liuka lili lyakutela kupwa handulendi mbiliyone ya mandola, enu hanga kupwa namukuli, kuli Kalunga, kutambula wana. Chize chinapu chihanda cha kulifukula. Kaha enu namulyapula chize. . .Nge omu Ngunapu wakufumbukila mali na vyuma nge ngachize, Ngwawanyine, omwo muthu apwa wakuhenga, ove unahase kupwa nakwitavila nge ove unapu wakuhwnga, mwomwo Ndumbu walunga Fred kaha Ngunamono kuhona kupwa kanawa.

⁴⁰ Kaha, Ndumbu walunga Borders, omwo Ngwasele Ndumbu walunga Fred na kwiza nakusuluka na kwingila muli enu mu Oakland, Ngwambile ngwami, “Kanda ove muchilingako. Ove chasoloka kaha nge kusakula, kutambula wana, kaha, kalamwosena chili, haka cheka muchikuku chove hakuliwana cheka kumwe.”

⁴¹ Kaha shimbu kanda kutanga cha kusoka, Ndumbu walunga Border na masepa jenyi kwiza kuli yami, kaha ambile ngwenyi, “Nge natuhaka nakwingisa mu—mu kuliwana, chinambachiwa lyehi.”

⁴² Kaha jino, makumbi amandende kunyima okwo, ikiye alongesele kulya cha San Jose, California, kuze ikiye ejilenga, Ngunashinganyeka sikisite mokomoko seвете ya mauka muze muchinema, cha malufwelelo akuhandunuka osena kuzachila hamwe. Etu twapwilenga nakuliwana chamwaza, kaha kukinduluka cheka, mu Tundwemunene. Etu twawahilila kupwa na ove na etu, Ndumbu walunga Borders kaha Ndumbu walunga Fred natwame kunyima kuze. Kaha ava malunga valivangeji pamo kuli enu vosena, oloze vakiko vanapu vandumbu vamalunga vamwaza kuli yami muwande,

kukwachilila ku Lufwelelo luze etu tunemanaho. Kalunga akukisule, ndumbu walunga. Etu tunawahilila kupwa na enu chimene chino, mu mbalaka yayindende yamwaka hano. Echi kacheshi chikuma kutala hali enuko. Oloze kuli chumachimwe hano, nge, etu tunatachikiza nge Kalunga ayoya hano, mwamono, shikaho etu twawahilila hali chize. Kaha kuli ndumbwetu mukwavo wamwaza, kachi Ngwapwanga nalwola lwakuvuluka, chize anapu na etu lelo.

⁴³ Jino Nguli nakuvandamina ngana na kulomba chize mumakumbi amandende, nge Mwata netava, Ngwatondo kuya, kwivwa wakatwaminyina...Kangwahanjikile kulivikako. Chimene chashishileho, kuze ku Ohio, kupwa na Ndumbu walunga Sullivan, ha chilombo hamavu, mulwola lwalundende. Echi chili pamo handulendi milosi helu haze, Ngwashinganyeka, Gene, chumachimwe nge ngachize. Pwako mukweze wamwaza, ove kaweshi na punga yakuhwimako, kachi Mwata mwaya nakutwalilaho kututwaminyina etu. Lunga wamwaza, kaha etu twasakwilila Ndumbu walunga Sullivan, kuzata chachinene. Kupwa kaha...Ikiye ali mukulwane wa mbongi. Ikiye apwile mukulwane wa mbongi, kaha ka Kentucky wamwaka. Omu mukiko Ngunahase kuhanjika hali ikiye. Omwo Ngwamuwanyine ikiye likumbi likwavo mu...Etu twapwile vavali vakukulisa kuze mujipili ya Kentucky. Ikiye ahanjikile kuli yami, “Hanga ove uli na asafetida mushingo yove, Billy?” Jino munatachikiza omwo—omwo Kentucky ikiye ali. Jino echa tufukununenu mu... .

Kakweshi kusaula ku Kentucky vandumbwami hano, Ndumbu walunga Jeffries, na vyangocho. Yami ngumuka Kentucky, nawa, munatachikiza. Nanguya nakumulweka chuma chimwe etu tuli. Etu katweshi vaka Kentucky, mokomoko chipwe etu twapwa vaka America. Etu twapwa vakakuzuzumana kaha vangeji. Etu tulinakutonda Mbongi kwiza.

⁴⁴ Jino hakupwa nakutanga, echa kutanga kufuma mu Mukanda wa Kulovoka, ha minyutu yayindende. Ngwafwila kutanga kufuma mu kapetulu 23, na vasi 20 nakutwala ku 23, na kuhakilako. Kaha Ngwatondo kumbata mutwe wachihande chimene chino, kufuma nge ngana, hali echi, mangana: *Kusokoka Chikupu*. Kaha Kangweshi kushimbulako, kuhanjika, jino shimbu Ngwapwanga nakuvandamina hali ove kusokolola Mukanda na kapetulu.

Tala, Nangutuma Kangelo kumeso enu kumilama mujila, nakumihetesa kuze Ngunalongesa.

Lilamenunga kumeso eyi, . . .mwivulilenunga mulizu lyenyi, kanda mukamusowangizako; mwomwo keshi kamikonekeleko vilinga vyenu vyakuzombojoka jishimbiko: mwomwo lijina lyami lili muli ikiye.

Ngwakunyuka ngana nge chikungulwilo natachikiza hiya ou Kangelo apwilenga. “Lijina Lyami lili muli Ikiye.”

Kaha kachi ove nautachikiza kanawa lizu lyenyi, na kulinga vyosena vize Ngwahanjikile; kaha Nangukaya nakapwa Ngumukakole jenu, wavakakole jenu ngumukakuyanajisa vaze navakamiyanjisa.

Mwomwo Kangelo kami mwatambukanga kumeso enu, nakumihetesa muli...va Amole,... nava Hete,... nava Peliji,...nava Kanene,...nava Hivi, na... Yevuse: kaha Nangukavatetamo.

⁴⁵ Echa Mwata akisule Lizu Lyenyi shimbu etu kuhanjika jino ha minyutu yayindende, kachi enu namulombelela. Ngwapwanga nakushinganyeka ha mutwe wachihande, wa: *Kusokoka Chikupu.*

Eli Liuka linapunga mu—mu lindende. Lwola lwosena nachikapwa, mu mamembala, palanga Yesu mwakeza. Oloze Uli wakuyoya mwishi ya kutetela Chenyi cha Kalunga. Kachi etu tunatachikiza, eli linapu Liuka Iya Kalunga wakuyoya; keshi Mbalaka ya Branham, oloze Mbalaka ya Branham ili chihanda kaha Chacho. Kuze kuli miyachi ya jimalaka kuhichila mulifuchi.

⁴⁶ Ndumbu walunga Snelling, ufukuuno, kupwa nakutangisa cha kujimika. Ngwavwulyama Ndumbu walunga Curtis angulwekele nakuvilika ngachize, mokomoko vangulwekele zau, apwile nakupwa nechi. Ikiye ali na kupwa na kutanga cha kujimika. Kaha kachi kalamuthu hano kanda vamujimike, oloze, mwomwoika, Ndumbu walunga Snelling mwaya nakupwa wamwaza kuli ngachize, ufukuuno. Ize ikiko Mbalaka ya Kujila kuze ku Utica. Kaha Ndumbu walunga Junior Jackson, mu New Albany. Kaha kuli mauka amavulu osena mulifuchi. Oloze etu tuli vosena wakuyoya, kusoloka nge, kusali yakuhonesa, kuhambakana, chipwe mwishi.

⁴⁷ Ngwevwile Ndumbu walunga Neville kuvilika chimene chino, kunyima kuze, nge echi chinapu muyachi wa kwiza muvishinganyeka vyami, nge vathu kusoloka kwiza nakufuma mu kusokoka. Echi chinasoloka kupwa chumachimwe, nge, vathu vanamono echi, shikaho vakiko navachishijika na kuchifumisa kusali imwe, “Mamalelo, chamwaza, Kalunga nahase kuchilinga.” Oloze echi kacheshi vilinga ko.

⁴⁸ Jino, Mose, omwo ikiye apwile wakusanyika hali uze Kalunga, ikiye apwile vene chikupu, kapolofweto wakuzalilila.

Omwo Kalunga mwatuma muthu kulinga kala chuma, Ikiye ali kaha mwosena na vyuma vyosena vize ikiye ali nakutonda. Kachi Kalunga mwasanyika muthu kupwa mukakunangula, Ikiye ahakile chumachimwe muli ikiye kunangula. Kachi Ikiye asanyikile ikiye kupwa mulongeshi, Ikiye ahakile chumachimwe muli ikiye kunangula. Kachi Ikiye nakusanyika ikiye kupwa

kapolofweto, Ikiye ahakile chumachimwe muli ikiye, kumona vimweno na kupwa kapolofweto. Kalunga lwolalwosena wakuvwika muthu Wenyi.

Kaha muze mukiko Ikiye alingile omwo Ikiye atumine Mose mu Ejipitu. Ikiye amusangwile mujila yimwe. Kaha Ikiye amutangishile ikiye mujila yimwe, kaha Ikiye amutengele, kaha atangile ikiye, kaha amutungile. Hanyima Ikiye ashikile Apalahama, myaka handulendi ya kunyima shimbu kanda, nge Ikiye mwaya nakusokola vathu, kahajino Ikiye—Ikiye apwile muvishinganyeka vize Ikiye mwaya nakutunga Mose mujila yimwe Mose vamutengele. Mose apwilenga kapolofweto wakukuma mwosena. Kaha jino, hakupwa kapolofweto wakukupuka, kahajino . . .

⁴⁹ Kupwa kaha nge ove, kachi ove unapu Mukakulishitu, Kalunga keshi kutunga Vakakulishitu vachimbwa. Kalunga eji kutunga Vakakulishitu vakukupuka. Kalunga keshi kutanga mukakunangula wa chimbwa, oloze mukakunangula kupwa wa chimbwa. Kaha Kalunga eji kulingisa vana Venyi kupwa Vakakulishitu, oloze lwola lumwe vakiko vali chimbwa Vakakulishitu. Oloze echi kacheshi kujina cha Kalunga ko hali vakiko kupwa mujila kana. Yinapu jijila javo kupwa jakufutula hamwe na pungu ya Kalunga ha chiyoyelo chavo, kaha chikiko cheji kulingisanga vakiko kupwa mujila kana. Kalunga katonda Vakakulishitu va chimbwa, mokomoko vakakunangula va chimbwa, kwitavila kusali yikwavo, mokomoko . . . Ikiye atonda vakiko kwimana mukachi.

⁵⁰ Jino, Mose, Kalunga amulingishile ikiye kupwa kapolofweto wakukuma mwosena, kupwa kusokoka chivene. Kaha Mose apwile hanyine kaha mumavoko a Kalunga. Ou ukiko mulonga echi chamulingishile ikiye kupwa omwo ikiye apwile. Ikiye apwilenga wakukupuka mwosena muli Kalunga palanga Kalunga nahase kumufwelela ikiye.

⁵¹ Ngwalikomokela, chimene chino, nge Vakakulishitu, kachi etu natuhana pungu yetu ivene, kaha kulihana etu vavene chikupu muli Kalunga, palanga Kalunga nahase etu kuhaka chihela chize Ikiye nahake. Ngwalikomokela, chimene chino, cha yami lyavene, kachi Nanguhasa kulihana kuli Kalunga palanga Kalunga nahase kungufwelela yami, nahase kufwelela Ndumbu walunga Neville, nahase kufwelela lizavu lyetu lya vakakufwelela muliuka, lizavu lyetu lya vakakuzata muliuka, mokomoko mamembala va liuka. Etu vosena tukwechi chihela, kaha etu tukwechi mulimo.

⁵² Uze mukakuzata akwechi chihela cha mulimo, kwimana na kunangula luheto lwakujindama cha Kulishitu, chakuzeneka kulivwasana, kachi ikiye navasanyika kupwa mukakunangula. Ikiye ahashile kulama chumachimwe hali muthu umwe, kachi ikiye vamusanyikile kupwa mukakunangula.

⁵³ Kaha membala wa liuka, ikiye vanamuvuluka kupwa membala wa eli lizavu limwe, kahajino ikiye kahashile kulivwasanako. Kachi liuka lyafwelela nge etu katwatela kusekasana chawijiko, jino nge membala katela kukwata makati. Etu katwafwelela mukunwa, ikiye atela kwalumuna mutwe wenyi wosena kufuma mukunwa. Kachi etu katwafwelela mu kusekasana chawiji, mokomoko kunwa makanya, membala wa eli liuka katela kukwata chumakana ko. Kalunga eji kuhananga kusokoka. Omwo etu . . .

Ikiye mwaya nakuchilinga kachi etu natuya nakulihana etu vavene kuli Ikiye. Kachi etu natuya vosena nakusokola etu vavene mulivoko Lyenyi, kahajino Kalunga nahase kuyoyela muli etu. Kulishitu, uze Lutalililo lwa Upahu, Ikiye nahase kusolola Lyavene kufuma kuli etu nge etu natupwa na kuvafumisa mujila kana. Kahajino vishinganyeka vyetu vinapu vishinganyeka Vyenyi. Munahase kushinganyeka Kulishitu kunwa makanya? Munahase kushinganyeka Kulishitu kunwa, mokomoko kuhema makati? Kahajino kachi shipilitu yove chihanda cha Shipilitu Yenyi, Ikiye natondo echi kupwa nakulikonekela. Oloze enu munetavilanga liyavolo kwiza nakwingila na kumbata. Kaha lwola lwosena, mukachi kamuchima wove, kwishi, enu munejiva enu muli vakuhenga omwo enu namulinga vyuma kana.

Kaha omwo membala umwe mwahasa kuhanjika hakufumbukila kala membala, munatachikiza nge chize chinapu chakuhenga. Enu vamilweka kulombela umwe namukwavo, keshi kuhanjika nakufumbukila umwe namukwavoko, oloze kuzanga umwe namukwavo. Kaha kachi muthuumwe ali hamavu, echa tumumbate ikiye, amukafweko. Jino, echi chinalingisa etu na—na—na lizavu lyakulinunga lya vakakufwelela. Jino, omwo etu katweshi kwononoka ngachizeko, jino etu katweshi kuwononoka Kalunga kaha etu natuhona kwivwa kuwaha Kalunga. Kaha shikaho, liuka lyetu, vathu jetu katweshi kuhasa kufukilako, liuka katweshi kutwalilaho, mwomwo etu katwapwa vakuzeneka kulinunga, hamwe. Nge omu Yesu ahanjikile ngwenyi, “Chimbalwila chachindende cheji kufutunuisa unga wosena.”

⁵⁴ Jino, kachi eli liuka, mokomoko nge—nge vakakuzata muliuka, kwiza na kuhanjika nge etu twatela . . . kushinganyeka etu twatela kutunga mbalaka yayihya. Kachi echi chinapu kusakula cha vakakuzata muliuka, kaha vakakufwelela muliuka vali nakuhula kaha vakiko kaveshi na mali ko kulinga echiko, kahajino vakiko vali na kwala chikuku nge etu tuli nakuya jino. Kaha jino echi vachimbachile kulikungumbuwa lya mukulwane, shimbu etu twatela kupwa, liuka lyosena kupwa lya wakulimanyina. Kahajino kachi liuka nalihana kuli mbalaka yayihya, kahajino etu vosena twatela kuzachila hamwe mu mbalaka yayihya.

55 Muchanovene, amilyavene, omwo vakiko vahanjikile mu mbalaka yayihya, kuli yami, Ngwapwile nakole na chishinganyeka. Echi chakwoloka. Ngwambile ngwami, “Etu katwatonda vene mbalaka yayihyako. Nanguya pamo nakuseza kuno vene, nge Mwata. . . kachi Ikiye mwangulweka yami kwiza nakuhita. Chuma etu tunatondo na mbalaka yayihya? Etu katweshi na mali ko.”

56 Jino Ngwejile nakushikumuka na kwivwa cha liuka, nge liuka, mukuvula, chasolokele kutondeka. Jino chumamuka Ngwalingile? Ngwahanyine mulambu ami lyavene kushinganyeka na kulimbila hamwe na liuka. Punduvene, echa kuchilinge. Kachi. . . Ize ikiko jila etu tweji kulipechelanga, ize ikiko ijila mu lwola lwa Mbimbiliya, mujila liuka lyeji kuvotanga. Echi—echi kulimanyina, mazavu a vathu, vakiko kwiza hamwe. Mukulinunga mukiko muli ngolo. Shikaho, shikangaho, Ngwambile ngwami, “Punduvene, kachi ize ikiko jila liuka vanatondo, kachi omu mukiko Kalunga ali nakutonda, Ikiye akwechi chikuma na ngolo ja kuvota mukachi ka lizavu lyosena lya vathu kuhambakana Ikiye omu ali kuli yami, mwomwo Kangweshi na chimweno cha kuhanjika nge kacheshi kuhasako.” Shikaho etu tweji kumbila hamwe naliuka, na kutambuka hamwe na liuka. Kaha Nguli kunyima yacho, kulinga vyosena Nanguhasa, kumona, kukafwa kufuma muliuka.

57 Chize chatela kupwa pungu ya Mukakulishitu na kala muthu muliuka, chili chakuliwana etu vavene na etuvavene kupwa hamwe. Kalachuma liuka veji kuvotelanga, omu mukiko etu twatela kwimana. Kahajino kuhanjika, chakutalilaho, nge. . . kutonda kwalumuna chumachimwe mu liuka. Chamwaza, jino, kachi ava vakufwelela vali nakutonda, ava. . . muthuumwe weka natondo kulinga, vakakuzata muliuka, vakiko vanatondo kwalumuna chumachimwe, chize cheji kwizanga shimbu kand aliuka, liuka jino kupwa hamwe. Kaha kachi etu—kachi vishinganyeka vyetu hano kusoloka kupwa chindende vyakuhandunuka vize liuka lyahanjika, echa etu kulambula echi chishinganyeka, mwomwo eyi ikiko kaha jila etu tunahase kwimana. Kaha kachi eli liuka naliya jino mujila enu namuya jino, kaha kulinunga hamwe, Kalunga mwaya. . . Echi chili chakuzeneka kusoloka, chuma muka Ikiye mwakaya nakulinga, kachi etu natuya nakwimika hamwe. Etu twatela kukakachila hamwe. Omu mukiko etu tunatondo kupwa, kupwa wakukuma mwosena na umwe namukwavo, kaha jino kupwa wakukuma mwosena mulivoko lya Kalunga.

58 Kahajino etu twatela kupwa na muthu uze etu twafwelela nge kunangula Lizu lya Kalunga. Kachi muthu keshi kuchilingako, kahajino mbata muthuumwe uze eji kuchilinga. Omu mukiko mujila etu twatela kwimana. Kachi eli lizavu lya vakakufwelela muliuka kaveshi kuhasa kwimana na

chize chakwoloka, jino chinapu kusekasana chove kusakula muthumwe uze mwaya nakwimaanyina hachuma chakwoloka. Kaha jino omwo ove mulinga, kutwama nakukundamina. Echi chili kuli ove. Imana na echi. Kaha, vyosena hamwe, etu tunemana hamwe Chuma chimwe, uze napu Kalunga.

⁵⁹ Kachi membala mwahengesa, kanda kumukanako. Amukafweko. Mukatule. Kupwa hamwe, kupwa na kwivwulila umwe namukwavo. Omu mukiko yahanjika Chisoneka. Omwo etu natuhengesa, echa tuyenga kumeso a Kalunga. Shimbu kanda etu tuyenga kumeso a Kalunga, etu twatela kuya kumeso avathu vaze twalemekanga.

⁶⁰ Ngwatela kaha kulinga ngachize. Kaha Ngwatachikiza nge Ngwalingile chakuhenga. Ngwasavalile, kulingisa pwevo lyami kumbulula makuli. Ngwafwelela Ngwamilwekacho, hano ha liuka. Apwile makumbi amandende, keshi kunyima chikumako, chinapunga pamo milungu sikisi kunyima okwo. Uze chambamilonga angulingishile kuzeya, ha kukukekesa, palanga Ngunahono kutachikiza kuli Ngwapwilenga. Ngwayile kaha kwimbo kufuma muufwishi, nakulya kulya chaufuku. Kaha shinga yakupenge nambala ya shinga kuvuma, kaha Meda ayile nakukumbulula ize shinga. Ikiye kuhaka livoko lyenyi hali ize, ambile ngwenyi, “Vakiko vachambamilonga cheka.”

⁶¹ Ngwambile ngwami, “Kangweshi kuhasa kwimana ha chingoloshi chikwavoko. Mutwe wami kwivwa nge wapwile nakutukuka. Nguli nakujimbalisa muvishinganyeka vyami, kukokela yami muli eyi jila, kaha eyi jila, kaha eyi jila.” Ngwambile ngwami, “Kangweshi kuhasa kwimanako.” Kaha Ngwatumbukile helu, kaha Ngwambile ngwami, “Valweke vakiko Kangweshi hanoko,” kaha kulaha nakujinguluka kuyima ya zuvo.

⁶² Omwo Ngwakindulukile . . . Meda ali wakusehewa chikuma hali vize vyuma. Ikiye aliwanyine na yami ha chikolo, oku anakulila chindende. Ikiye ngwenyi, “Bill, apwile vene chuma chakwoloka chakulinga?”

⁶³ Munatachikiza omwo wapwa. Ngunatachikiza omwo Nguli. Ngwambile ngwami, “Punduvene. Kangwapwile munoko vene.” Ngwatachikijile Kalunga nangupaisa yami hali echi. Ngwambile ngwami, “Kangwapwile hanoko.”

Ngwenyi, “Oloze ove wapwanga kuno omwo ikiye atungile kusanyika.”

⁶⁴ Musana uze Ngwayile nakulombelela kemba ali nakuviza. Kaha shimbu kanda Nguseze zuvo, shinga cheka, kaha Yosefwa wamundende alahile na kumbata shinga na kuhanjika ngwenyi, “Tata, ove unatondo nguvalweke nge ove kaweshi hanoko?” Mwamono omu shili yeji kwenyekanga, nachipwa chisaka muka jino?

65 Yowano Watete, kapetulu 5, kaha vasi 21, ngwenyi, “Kachi michima yetu vayipaisa etu keshi ngochoko, kahajino etu natupwa na lufwelelo muli Kalunga.” Oloze kachi michima yetu vayipaisa etu, natupwa nalufwelelo muli Kalunga? Etu tunatachikiza nge, nge etu tukwechi shili yize yakuzeneka kukonekela, Ikiye keshi kutwivulilako. Echi chakuzama, oloze, chili—chili—chili, liuka lyeji kutondanga vyuma evi.

66 Kahajino Ngwaputukile kulomba hali ou kemba. Kaha omwo Ngwaputukile kuhaka mavoko hali echi, Mwata kutenukila yami kaha ambile ngwenyi, “Ove wambululanga makuli. Ove kaweshi wakutela kulombelela uze kembako.”

67 Ngwalumukile nakufuma kuli uze muthu. Ngwambile ngwami, “Mwane, enu vandaminenu hano. Ngukwechi chuma chimwe ngwatela kwolola.”

68 Ngwasanyikile uze chambamilonga nakuya uufwishi, nakumusanyika ikiye kwingila. Ngwambile ngwami, “Tala, mwane, Ngwahanjikanga makuli. Ngwalwekanga pwevo lyami ahanjike makuli. Ikiye ambile ngwenyi Kangwapwile muzeko, kaha Ngwalahile nakuya kunyima yazuvo.” Kaha Ngwalikomokelele kaha kumulweka hali chize.

69 Kutambuka na kuhaka mavoko enyi hachifwiji chenye. Ikiye ambile ngwenyi, “Ndumbu walunga Branham, Ngunapunga lwola lwosena na lufwelelo muli ove, oloze Ngukwechi kuhambakanamo jino, lunga,” ikiye ambile ngwenyi, “echi chili chakulizanga kupwa chakuhenga.”

70 Ngwamulwekele ikiye, Ngwambile ngwami, “Ngwaputukile kulomba na kemba, kaha Mwata mwaya nakungupaisa yami, mumuchima wami, mwomwo Ngwatachikijile Ngunalingi mwakuhenga.”

71 Kahajino, likumbi lyamuchivali, pwevo ngwenyi, “Uli nakuya kulihi?”

Ngwambile ngwami, “Muwina wami wamulilolwa.”

72 Kaha Ngwayile kuze muwina wami wamulilolwa, helu lya Charlestown, kuze Ngwapwile nakuya, na myaka yayivulu. Ngwengilile kuze, kaha Ngwalombele likumbi lyosena, “Ove Kalunga, kanda ungwechela yami kulinga chuma chekako. Ove ngukonekele yami, Mwata, mwomwo Nanguputukila mavoko hali vathu vakakuviza, kulomba, kahajino Vangupaishile.” Kutwalilaho pamo seli koloko ya chingoloshi, Ngwalovokelemo. Kuli lilolwa lyalinene lili haze. Kaha Ngwahetele hali lize lilolwa kaha ngwapwile nakutala kumututuko, na mavoko ami helu, kumwalisa Mwata. Kaha chapwile kuholakulu muze. Kaha Ngwambile ngwami, “Mwata, kachi Ove nauhasa kaha...Lwola lumwe Ove wahichile hali Mose, kaha ikiye ambile ngwenyi apwile na...omwo Ove wapwanga naikiye mulilolwa lyakusendeleka, kaha chasolokele nge chihanda cha muthu.” Ngwambile ngwami, “Unahase Ove kuchilinga cheka,

Mwata? Echa yami ngutachikize Yami vangukonekele.” Kaha Ngwambile ngwami, “Kachi Ove muya nakungukafwa yami na kwiza muvishinganyeka vyami...” Ngwambile ngwami, “Mwata, Yami kangweshi wangolo chikumako, muwongo, mwomwo Kangweshi na shikolako.” Ngwambile ngwami, “Kaha Nguli—Nguli nakweseka kuzachila Ove. Munatachikiza muchima wami, kaha Kangwahashile...Ngwatela kulinga chizeko. Kangwatondanga kulinga chizeko. Mutwe wenyi wevwile nge wapwile nakufuma, Ngwapwile wakulizakamina, kaha Ngunachilingi echi kukwata cha tando yayindende omwo Satana angukwachile.” Ngwambile ngwami, “Kachi Ove mungukonekele, echa yami ngumone Ove, kahajino, Mwata.”

⁷³ Kalunga kupwa Mukakungusopesa; kupwa hanovene kusali yami, chihela chachindende mujimbango kuputuka na kakundukundu nge Peho, kaha Echi chejile kusali ya mufweke muze Ngwapwile, kaha kuya nakushikumuka kuhichila mumisenge. Mamalelo, ndumbu walunga, kuunda chize chasolokele muli yami, kaha Ngwalilile. Ngwalilile. Ngwatambakanyine. Ngunatachikiza jishili jami vanajikonekela. Talenu, Ngwapwile wakuzeneka kulinunga hamwe na Kalunga, Kangweshi kuhasa kupwa na kusokoka hali uze kemba.

⁷⁴ Ngwa...Kaha likumbi likwavo kuze kwapwile lunga kufuma ku Chicago, ou apwile lunga wamunene, muka Katolika vamuhalumwine, mishisa mukachi ka muchima wapwile wakuimba kulovoka nge mupayipi inajimbila mukachi, kaha vakiko vapwile nakweseka kuvavatula halwola lwalusuku, apwile nakuya, kaha ikiye kavesekeleko. Makumishilo ikiye kuwana mukukekesa. Chize kukekesa, etu kutwama haze na echi palanga etu kuwana chumauka chahengele. Kaha muthu keshi mwekako shina kwiza nakwingila, palanga Shipilitu Wajila kuya nakukinduluka kuhita muchiyoyelo chenye kaha kusanyika chumachimwe ikiye alingile omwo apwile kukamenga kanyike walunga mu liuka lya Katolika. Ikiye ambile ngwenyi, “Ou unapu muchano. Ou unapu muchano.” Ngwenyi, “Ove unatwale nge apwile wakufumbukila yami?”

Ngwambile ngwami, “Uze unapu muvwimbimbi uze Ngunahase kumona muchiyoyelo chove.”

⁷⁵ Ayile cheka na kumulweka ndotolo, ngwenyi, “Chosena chakwoloka, yako vyuma hamwe jino, etu natuya nakupwa na kupula.”

⁷⁶ Uze ndotolo ngwenyi, “Etu natuya nakutala hali uze chipamba cheka.” Kaha omwo ikiye atalile muli chize, ikiye ngwenyi, “Ove kawazangile kuchipulako.” Talenu?

⁷⁷ Kachi michima yetu yipaisa etu, etu twatondo kusokoka. Etu katwazangile kupwa chimbwa cha chimbwa, liuka. Etu twatondo kupwa liuka lya mwenemwene mokomoko liuka

lyauchi. Etu twatondo kupwa Vakakulishitu vamwenemwene mokomoko kakweshi Vakakulishitu ko. Etu twatondo kusokoka chikupu kufuma jitato, kufuma kujishili jetu, kufuma ku vishinganyeka, kufuma kuvilinga vyetu vyavipi, kufuma kukaliu ketu, kalamwosena etu etu tunalingi. Etu twatondo kusokoka, shikaho omwo vathu kwiza muli eli liuka, kupwa vakulombelela, kuze nakuya kaha nakupwa lizavu chindende (pamo keshi kupwa handulendi, mokomoko vavali) kutwama hano, oloze vakiko navaya nakupwa vosena mumavoko a Kalunga. Kaha omwo etu twalombo, kahajino Kalunga mwaya nakwivwa kufuma Mwilu. Kalunga atonda muthuumwe nge Ikiye nahase kukwata mumavoko Eyi, muthuumwe nge Ikiye nahase kuhanjika, “Nguli nalufwelelo muli chize. Ngunahase kutuma echi, ngamba Yami wakuviza, ku Mbalaka ya Branham ku Jeffersonville, kaha lize lizavu lya vathu vali kujina chimwe.” Chumachimwe nachiya nakusoloka.

⁷⁸ Chamwaza, tala chuma Ikiye eji kuzatanga muli etu muli eyi seteko etu tulimo. Chuma muka Ikiye mwalinga kachi etu twapwile umwe muchima na kujina chimwe? Jila kaha etu tunahase kulinga ngachize, shina kufunda michima yetu hamwe na zangi yakulizanga na zangi, kwononoka vakakuzata muliuka, kaha pashita, kaha pashita kwononoka Kalunga. Kahajino Kalunga eji kuzata kuhichila muli pashita, kuhichila muli eli lizavu, kushikumuka muliuka, kaha vosena hamwe vali nakulinunga mu Wangana wa Kalunga. Jino Kalunga mwaya nakwivwa, omwo etu kupwa lizavu kulinunga. Kanda chumachimwe chiminyengetesa. Kanda chizushisa nakalachuma.

⁷⁹ Jino, echi chinapu muyachi wa muthu uze Kalunga atongwele kumbata lifuchi. Mose apwilenga wakukuma mwosena, ikiye apwilenga muthu uze kahashile kulivwasanako. Kachi kuli kulipika na nakulishinjijeka, kaha na vyangocho, ikiye kahashile kulivwasana. Chize chapwile Kalunga atondele etu jino.

⁸⁰ Fwalo atondele kwitavila, ambile ngwenyi, “Mose, enu munahase kuya, oloze, enu sezenu vanavenu kunyima, mokomoko sezenu vangombe jenu kunyima hano.”

⁸¹ Omu mukiko liyavolo atonda Mukakulishitu kwiza. “Echi nachiya nakupwa chakwoloka kuli enu kulinunga muliuka, oloze kanda kakonekele Jones. Nachiya nakupwa chakwoloka kachi ove munehe mwenu. . . kachi enu namuya. . . Enu kachi kamweshi kuhasa kwecha kunwa makanya, kunwa chove, makuli enu, kwivwa chenu, kuliwanyina milonga, kuyongojola. Ove kawatela kuhana chizeko. Linunge kaha liuka.”

⁸² Oloze Mose apwilenga kulivwasana. Ikiye atondele kusokoka. Ikiye ngwenyi, “Etu katweshi kuya nakuseza wani

kunyima. Etu natumbata vyuma vyosena vyapandama kuli etu, omwo etu natuya nakulifukula kuli Mwata.”

⁸³ Omu mukiko mujila liuka lyatela kupwa. “Etu natuya nakumbata kwoloka. Etu natuya nakumbata kujila. Etu natuya nakumbata Shipilitu Wajila. Etu natuya nakumbata lizavu lyakuhonesa omwo etu natuya kukamenga. Etu natuya nakupwa lizavu lya mwenemwene. Etu natuya nakuseza chumachimwe kunyima. Etu natuya nakumbata vyuma vyosena. Kakweshi numba umwe kutwama kunyima kuno.” Munatachikiza, kaha vathu vanahase kulomba mujila kana palanga liyavolo mwaya nakuhana.

⁸⁴ Omu mukiko mujila Mose na lizavu lyenyi valingile. Vakiko vayile kuze na kupwa mwishi ya Manyinga. Enu talisenu, palanga vakiko vakwechi mwishi ya Manyinga, kuze kakwapwile kusokoka. Mose, lyavene, ikiye apwilenga wakulinunga na Kalunga, oloze Isalale kapwilenga ngachize. Kuze shili lika. Kaha vakiko vayayavalile hali Mose, kaha vakiko vambile ngwavo, “Mwomwoika, mwomwoika ove weji kulinganga echi? Ove weji kuneha ukalu hali etu.” Mwomwo, Fwalo avulishile kusuwa cha tumenga, na vyangocho. Uze apwile Mose; ikiye apwile wakwoloka mumavoko a Kalunga, wakumulwila kufuma kuli mikoko jenyi, mangana amufumishile mikoko ja Kalunga. Ikiye apwile wakusokoka chikupu, lyavene. Oloze vathu vavasokwele, mwomwo kuze kwapwilenga lika kuyayavala mukachi kavo.

⁸⁵ Ufuku umwe omwo Kalunga atongwele nge mwana mukoko vatela kumujija, chifwanyisa cha Kulishitu, kaha aze manyinga acho kusotoka muze uusope, uze, wapwile mwila (wakulisala, wakulinyisa), kaha kukwita helu lya chipamba cha lipito na vipamba, chize omwo Isalele vejile nakupwa yakusokoka chikupu, keshi numba na sende kusezahoko. Vosena vaze vapwile nakuvalwila. Visaka vyavo, vamwe avazangile, kaha vyuma vyosena vavasokwele omwo vakiko vejile mwishi ya manyinga.

⁸⁶ Muze mukiko liuka navakaya nakuvalwila mwosena, omwo vyuma vyosena kwiza mwishi ya Manyinga. Omwo jishili jenu kwiza nakupwa mwishi ya Manyinga, omwo enu mwapwile nakunwa makanya, omwo kusekasana chove chawiji, omwo kwonga chenu, omwo kwivwa chenu, omwo kwonga chenu, omwo vyumavimwe vavinehele mwishi ya Manyinga, jino nakuya nakupwa kusokoka chikupu. Enu munahengesa muthumwe, kulingisa kupwa chakwoloka. Ove kaweshi kuhasa kuneha echi mwishi ya Manyinga, echi kacheshi kuhasa kutwama ko. Ove kaweshi kuhasa kuneha chizeko. Chumachimwe kacheshi kuhasa kwecha ove kulinga echiko. Omwo enu vavene kupwa chikupu, vakuneha vene mwishi ya Manyinga, kulinakuya nakupwa kusokoka chikupu; jino enu namuya nakukasunuka chikupu nge kanda lyehi mutachikize

shimbu kanda. Omwo vyuma vyosena vyatela kuneha mwishi ya Manyinga, kuneha unyengwe kuli Wangana wa Kalunga, kahajino nakuya nakupwa kusokoka chivene.

⁸⁷ Yesu apwile wakwoloka, muthu vene. Ikiye nahase kulila nge muthu. Ikiye nahase kulya nge muthu. Ikiye nahase kupwa wakuzeya nge muthu. Ikiye apwile mwosena, kupwa vene muthu, mumujimba Wenyi wauthu. Kaha mu Shipilitu Yenyi, Ikiye apwile mwosena, nge Kalunga, shikaho Ikiye atungile Nyama na kuhana Shipilitu ize yapwile muli Ikiye. Enu mwamono, Ikiye vamwesekelevi vosena nge omu tuli. Ikiye apwilenga muthu, keshi Kangelo ko. Ikiye apwilenga muthu. Ikiye apwilenga na kufwila na vyeseke, nge etu kulinga. Eyi Mbimbiliya ngwayo Ikiye alingile. Ikiye apwilenga muthu, keshi Kangelo kwilu ya vyeseke. Hepelewu 1 ambile ngwenyi, echi, “Ikiye apwilenga...” Hepelewu 1:4 ambile ngwenyi, “Ikiye apwilenga nakushikumwisa kuhambakana Vangelo.” Ikiye apwilenga muthu, muthu wakwoloka; nge Kalunga ambachile muthu chikupu, mangana vechenga kusokoka, kaha Ikiye amuzalishile Ikiye na Shipilitu Yenyi. Ou Shipilitu Wajila apwilenga muli Ikiye, chakuzeneka kupima. Kaha Ikiye vamwesekele nge omu twapwile. Kaha Ikiye apwile Kalunga wakwoloka. Ikiye kwinjikiza omeo Ikiye asangwile vafu, omwo Ikiye emikile chisemwa, kukumbwoka cha tulungalwiji na jipeho jajinene. Omwo Ikiye ahanjikile kumitondo, na vyangocho, vakiko vononokele Ikiye. Ikiye apwile Kalunga, mukachi. Kaha Ikiye kachi napunga muthu, mwomwo Ikiye apwilenga muthu, oloze Ikiye mwosena kaha vamulwile Lyavene (nge muthu) mumavoko a Kalunga, kupwa kuzachisa cha Kalunga.

⁸⁸ Kaha Ikiye napu chakutalilaho. Etu twapwa malunga na mapwevo. Etu tuli nawa Vakakulishitu. Kachi Ikiye ali wakutalilaho, echa etu tulihane mumavoko a Shipilitu Wajila, mangana etu tupwenga vana va Wangana wa Kalunga.

⁸⁹ Ikiye apwilenga muthu ivene; Ikiye apwilenga vene Kalunga. Oloze Ikiye alihanyine vihanda Vyenyi vyakumujimba kupwa Vyenyi...na vihanda Vyenyi vyakumujimba, kaha kushinganyeka Chenyi ivene, kaha Ikiye lyavene kulinga, kaha kukafwa Chenyi, kaha, “Nangulinga kaha echi nachivwisa kuwaha Tata.” Yenu haze vene. Kusokoka chikupu kufuma muuthu. Vaze tupilishitu vejile kuli Ikiye, vindume ja malunga, kaha ambile ngwenyi, “Lapi, *munganji mukananga*,” kaha kweseka kumufweta Ikiye muze kuyanda chavo na vikungulwilo. Oloze Ikiye vamuhanyine mwomwo Ikiye afwelele muli Kalunga.

⁹⁰ Kumana Jisamu kahanjikile ngwenyi, “Ove muya nakumusokola Ikiye, mwomwo Ikiye namufwelela hali Yami?” Talenu? “Nanguya nakumusokola Wami Sepa lyami kumufumisa muvatuwa, mwomwo Ikiye nafwelela hali Yami.”

⁹¹ Jiola jimwe omwo etu twejile kusongo ya ungeji wakuyoya, Ngwatondele echi kupwa chami. Ngunatachikiza ove watondo kupwa vyove. Ngwatondo Ikiye kuhanjika, “Nanguya nakumusokola kufuma kumujimba wa kufwa, mwomwo ikiye ali mwangufwelela Yami. Nanguya nakumusokola kumufumisa muchimbumbembe, ha kusanguka cha chimene, nakumusokola, kala mwono, mujimba, na Shipilitu, mwomwo ikiye afwelele muli Yami.”

⁹² Vyosena Yesu kuzata mwakukupuka. Vyumavyosena vyakumine, chikupu, wakusokoka. Ikiye wakusokola chikupu kufuma mukalepa na mbumba. Ikiye wakusokoka chikupu uze pwevo waukalu wa manyinga, kufuma mukalu kana. Ikiye asokwele kaye kufuma kushili, omwo Ikiye afwile ha likumbi lya kutomesa. Ikiye asokwele shili wosena. Ikiye asokwele Liuka. Shikaho kacheshi kutondeka etu kuyoyela mwishi ya lisesa lyetu. Kakweshi nakutondeka kuyoya mujila kana, mwomwo Ikiye ahonesele liyavolo na kumbata mwangana na vakangolo, kaha kuhonesa vakiko mwishi ya mahinji Eyi, kaha vakiko kavapwile nalisesa lya kuyula hazeko. Etu twapwa Vakakulishitu, vakuzala na Shipilitu Wajila. Etu katweshi na-...kupwa na liyavolo wakatulweka. Kulishitu atusokwele, kusokoka chikupu; kutusokola kufuma muli liyavolo, kutusokola kufuma mushili, kutusokola kufuma mujitato, kutusokola kufuma mukuhanjejeka, kutusokola kufuma—kufuma malonda wamilima, kutusokola kufuma mumiyachi waumama. Ikiye chikupu atusokwele nakutuhaka nakutwisingisa mumavoko Eyi ajila; mwosena, kusokoka chikupu.

⁹³ Ikiye atusokwele kumisongo yetu. Ikiye atusokwele kufuma mumisongo, mwomwo etu twafuma mu vilinga vize. Haleluya! “Mwomwo Ikiye vamulemekele hakuzombojoka chetu jishimbi, ha mikiki Yeni etu twahinduka.” Ikiye napu Mukakuka chetu. Omu mukiko uze wakuhutwa, wamundende, pwevo wakalepa, kwseka kumbata kuzakamina kansa ya lunga lyenyi, ikiye atambukile nakwingila muze Kumeso a Kalunga. Ikiye apwilenga na lufwelelo. Kaha ikiye... Vaze mandotolo valingile yosena vakiko vanahase kulinga, shikaho ikiye akavangijile jindondelo ja Kalunga kaha vamulwilile.

⁹⁴ Vaze tumbaji vapwilenga na kusokoka chikupu, mukikovene kusokoka chikupu. Mwomwoika? Mwomwo vakiko vapwile vosena kaha vakuzala na Shipilitu Wajila. Omwo enu, kupwa kaha membala waliuka kaha alimenekele mumavoko a kafunga, mokomoko vamwe...vapwile na vyuma vimwe vyavindende kutumbuka, kutambakana, mokomoko kuhanjika mumalimi, mokomoko chumachimwe chikwavo; kaha hanga kupwa na lisungu mumuchima wove, vilinga vyaungeji, kwambulula makuli, kunwa makanya, lwisio hanyima ya mapwevo; kuli chumachimwe chinasoloka. Kuli chumachimwe chinahenge.

“Mwomwo ikiye azanga kaye, mokomoko vyuma vya kaye, zangi ya Kalunga kayeshi muli ikiyeko.” Enu vanamihungumwisa. “Ha mihako yenu hakiko namukavejivila.”

⁹⁵ Etu vosena twatondo kupwa vakulinunga hamwe, na Shipilitu Wajila. Kala membala vatela kupwa wakuhakako, umwe na mukwavo. Eyi zangi ya Kalunga yinahichi mumichima yetu, hali Shipilitu Wajila. Yeji kutomesa kufuma kukuzeneka kwoloka. Etu vanatulwili kufuma kuvyuma vya kaye. Yesu ambile ngwenyi, “Omu mukiko vathu vosena navakatachikiza nge munapu tumbaji Twami, mwomwo enu mukwechi zangi, umwe namukwavo.” Omwo membala umwe mwazanga membala mukwavo chikuma nge mwaya nakufwa hali echi.

⁹⁶ Omwo chuma chimwe chachipi nachiputuka, kuweluka wa kaye, mapwevo vamwe kwiza nakuhanjika, “Jino, tala, kasendo. Echi nachipwa chamwaza kuli ove kachi ove walingile *echi*, mokomoko kulinga *chize*, chakuvwala *echi*, mokomoko kulinga *chize*, mokomoko kulinga *echi*, na kupwa nakufumako kufuma mulizavu lya vakakulyalanga vakijila,” mokomoko vyangachize, etu twapwa vene vakulinunga hamwe na Kalunga!

⁹⁷ Enu ngwenu, “Chamwaza, Ndumbu walunga Branham, echi chinapu cheseko chachikalu.” Oloze Kulishitu afwile hali eyi pungu. Ou liyavolo vanamuhonesa. Etu twatondo kusokoka. Etu twatondo liuka lize lili litoma kaha lyakuzeneka ujila, kaha vakukosa na Manyinga a Mukoko, na kuzala na Shipilitu Wajila, na vinjikizo na vikomwesa na vikomwesa. [Hatepu hapimbi—Muka.] . . . kusokola muthu wosena. [Hatepu hapimbi].

⁹⁸ Kalunga Wamwaza, Ove kaweshi kumbata vyuma kuvangila echi chili chakusokola. Ove kaweshi kutambula mulambu ukwechi kapenga. Ove kaweshi kutambula kulomba, chize kuli shili kukinduluka muchiyoyelo cha uze muthu. Ove kaweshi kuhasa kulinga ngachizeko, Mwata. Ove kaweshi kulinga muchisemunuino kuya na, kaha Ove kaweshi kulinga chize lelo. Oloze mulambu watela kupwa wakuzeneka kapenga. Mwata Kalunga, nge etu natupwa etu vavene mukamenga, mulambu wakuyoya, kumbata kufuma muli etu, Ove Mwata, vyosena vakapenga na shili. Ngunahane mwono wami, kaha mujimba wami, kaha ngolo jami, kuzangajala chami, na eli liuka chimene chino, ha kamenga. Tukose etu na Manyinga Ove, na kutukonekela shili jetu josena nge etu twalingi. Kaha echa Shipilitu Wajila wamunene kupwa muli etu, kaha Kupwa Chenyi mwaya na etu kufuma muno mu mbalaka chimene chino, nge etu natuya nakutachikiza mukachi ketu nge Ikiye natukonekela etu. Kahajino kulomba nachiya nakupwa, “Tukonekele etu kuzombojoka chetu jishimbi shimbu etu natulikonekela etu.” Tuhanecho echi, Mwata.

⁹⁹ Pwako Ove hakamwihi na etu jino, tukisule etu palanga etu natukaliwana cheka ha kutanga cha chingoloshi. Echa etu

twizenga na mumavoko na muchima utoma, nge Ove kaweshi kuhasa kwalumukako, mwomwo etu twatondo kulihana na kusokoka chikupu kufuma mukala chuma, Mwata, nge ove muya nakulama kufuma mukupwa kumunyika cha kaye; linongo lize lili hapili, keshi mumbangoko, oloze linongo lize linatwame hapili, lize lyeji kuhananga kumunyika kutetekela vathu kumahinji mujila ize yakwoloka. Tuhanecho echi, Tata. Etu twalombo echi mu Lijina Iya Yesu, na Upahu Wenyi. Amena.

¹⁰⁰ Nguli nakuya nakuhula Ndotolo . . . Ngwashinganyeka ikiye ali kunyima kuze, mokomoko umwe hali mukakuzata muliuka ali muno. Eli liuka linahase kutanga ngachize, Ndotolo, kwiza kuhaka echi halivaya lyakusonekela chikuma cha liuka kuhasa kumona chize vakiko kuya nakulovoka. Kaha jino Ndumbu walunga Collins, kachi ikiye ali hano . . . Ali Ndumbu walunga Collins? Muhane ikiye echi mukwavo.

¹⁰¹ Kaha, chosena chakwoloka, mwane, kaha etu natuya nakumona ika . . . [Ndumbu walunga Branham kutanga—Muka.] Echili chili muthumwe kutonda kukekesa. Chize lwolalwosena vachihana. Etu twawahilila.

Kaha Ngukwechi kukekesa. Mwamono, chuma enu mweji kusanyikanga nambala kuze. Etu—etu twapwanga na ukalu chikuma kuzuvo, eli liuka vanatachikiza echi. Echi chili vangeji. Eli liuka vanatachikiza echi. Kuze kwatela kupwa chihanda chachindende kuhaka . . . Nanguya nakuhaka echi hano muliuka, nawa, mwomwo ya vakakwiza. Enu mwamono, kuli vavavulu, vaze etu katweshi kuhasa kuvazakamina vakiko vosena, nge omu vakiko vejile na nambala. Talenu? Kaha etu . . . Kachi ove muya na kuvuluka BUTler 2-1-5-1-9, BUTler. [Nambala ya shinga vanayalumuna—Muka.] Kaha kala mamembala kumona kala muthu kutonda, Yami lwola lwosena kupwa wakuwahilila kumona vathu. Oloze etu tunapu zachiso yahalwola hilwola. Kuli vamwe lyeji vavavuluka kupwa lyeji, vavavulu, talenu. Kaha etu tuneza, umwe na umwe, nge omu etu natwiza. Kahajino kuli . . . Twapwilenga, etu twapwile na kukwata kalamwosena, mukala jila, kutumbuka, kutanduuka, vathu kuya kwimbo wakunyengetela na vyuma vimwe. Jino vakiko vakwechi vyuma vyosena muchiyulo. Kaha omu mukiko etu tuli nakweseka kuhanjika jino, talenu, kuhaka vyuma vyosena muchiyulo, mwakukupuka.

Kaha Nanguya nakupwa wakuwahilila kumona echi kuliwana chamwaza, kachi vakiko navaya kaha nakusanyika 2-15-19 (1-5-19), kaha Mukulwane. Mercier mokomoko Mukulwane. Goad, umwe, mwakaya nakukumbulula ha shinga nakumilweka vene omwo enu namumusolola. Etu tukwechi chihela kuze, kuhwimasana, kaha vakulizanga kutambula vathu na kuvalombelela. Etu twawahilila kulinga echi.

¹⁰² Jino, mulonga Kangwejile kuliuka ko, vathu kushinganyeka Ngwatela kufuma kuli vathu; echi kacheshi ngochoko. Nguli nakweseka kupwa—kupwa vene muchiyulo. Talenu? Mukiko Ngwatondo kupwa, kusolola kaha kalemesa kuli vathu. Kala muthu, kala muthu, kala lwola, talenu; ulombo, jishimbi jauthu kaweshi kuhasa kulinga na echiko. Etu kwiza hazevene na kuliwana na vathu. Kaha kachi vakiko vanatondewa, etu kutwama na Kalunga palanga chinakumu. Kachi vakiko vanatondo kalachuma ha kuliwana, mukiko, etu tweji kuzakaminanga na kulama. Echi chinapu kaha kutwaminyina cha Shipilitu Wajila. Kaha mukiko . . . Ize jila, Ngwashingtonanyeka ili kaha, kulinga kala muthu kulinga mwomumwe. Shikangaho, kakweshi kalemesa ka muthu ko, numba kalemesa.

¹⁰³ Kuze kuli vathu vamwe vaze vejile nakuvalombelela, chimene chino, nge apwile wakuviza na kutonda kupwa vakulembelela? Chosena chakwoloka. Kakweshi ngochoko.

Jino echa twimbenga mwaso wamwaza ha . . . wa kulifukula. Mwaso muka twatela kwimba chimene chino? “Chumamuka cheji kufumisanga shili?” Munatachikiza, Teddy? “Cheka chauchi shina Manyinga a Yesu.” Chuma muka . . .

[Ndumbu wapwevo kuhanjika kuli Ndumbu walunga Branham—Muka.] Chosena chakwoloka, mwane. Ove unatondo kumulombelela ikiye jino?

Nanguya na kulombelela uze pwevo wakalemesa. Kuhaka mavoko hali ou pwevo hano. Munahase kunongama mitwe yenu hamwe nayami, jino, mukuhola jino.

¹⁰⁴ Kalunga Wamwaza, kuli pwevo wakalemesa uze ali nakuviza chikuma. Ndumbuwetu wapwevo kuhaka mujimba wenyi helu, nakufumisa kansa hali veka, kwimna mukuhwima, hali veka. Oloze Ove wamusokola kufuma muli chize, Mwata, makumbi amandende kunyima okwo, omwo vyuma vize vyasolokele. Echa ikiye awane echi, lyavene, kahajino, Mwata, ikiye mwaya nakutachikiza nge chakufuma kuli Ove. Ngwahakile mavoko ami hali ikiye, kaha kuhula ha keke hali uze pwevo mukwavo ikiye emanyine. Echa likoji lya Kalunga, Ngolo ja Shipilitu Wajila . . . Kuli kala chuma chachipi mukachi ka michima yetu, Mwata, kusolola echi kuli etu, chatete, kahajino etu natuya, kuchilingisa echi kupwa chakwoloka. Kahajino etu tunatachikiza ngana etu tuli na uselewa na Kalunga, etu tuli na kuunda na Kalunga, etu twatambwile etu twalombele, mwomwo etu katweshi na kupaisako. Tuhanecho echi, Mwata. Mu Lijina lya Yesu Ngwalombo. Amena.

Chosena chakwoloka.

Chuma muka chinahase kukosa shili yami?
Cheka chauchi shina Manyinga a Yesu;

Chuma muka nachingulingisa kupwa
walambwe cheka?

Cheka chauchi shina Manyinga a Yesu.

Mamalelo, kuwaha chili nakuhingunuka
Chize changulingisa ami kupwa utoma nge
mbundu;

Kakwechi kaselwoke wekako Ngunatachikiza,
Cheka chauchi shina Manyinga a Yesu.

¹⁰⁵ Vangahi vali nakwivwa nge jishili jove jili mwishi ya
Manyinga? Echa twimbenu mavoko etu hano jino.

Chuma muka chinahase kukosa shili yami?

Cheka chauchi shina Manyinga a Yesu;

Chuma muka nachingulingisa kupwa
walambwe cheka?

Cheka chauchi shina Manyinga a Yesu.

Jino shimbu etutwaholola mavoko etu, echa tulimeneke
mumavoko nakujinguluka.

Wamwaza ali . . .

Echi chakwoloka, chosena nakujinguluka.

. . . kutoma nge mbundu;

Kakwechi kaselwoke wekako Ngunatachikiza,
Cheka chauchi shina Manyinga a Yesu.

Ove wamuzanga Ikiye? Amena.

Mamaah, omwo Ngwamuzanga Yesu,

Mamaah, omwo Ngwamuzanga Yesu,

Jino twamenu nechi, jino. Muthu wosena akwachilila kuli
Kalunga.

Omwo Ngwamuzanga Yesu,

Mwomwo Ikiye avangilile kunguzanga yami.

Kangweshi kuya nakukanako . . .



KUSOKOKA CHIKUPU LVE59-0712

(A Total Deliverance)

Ou Mujimbu kufuma kuli Ndumbu wa lunga William Marrion Branham, vawambulwile hakuputuka mu Ingilishi ha Chalumingo na chimene, Kuhuhu 12, 1959, ha Mbalaka ya Branham mu Jeffersonville, Indiana, U.S.A., vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUVALE

©2022 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenya mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org